

清六大家絕句鈔


袁隨園

七

			八〇一	漢書門
一	八	三	六	類
二	五	函	號	
冊	架			

庫	文	閣	內
三五九		八〇一	漢書
函		一	
二	二	六	類
架	冊	號	

內閣文庫	
番號	和 38464
冊數	12 (7)
函號	207 37



隨園絕句抄卷五

明治十五年購求

記遊類一



入武林城作

肩輿望見聖湖煙。觸目情生故國天。不是還鄉是尋
夢。一邨二壑總纏綿。

雖名故土全魚屋。且喜殘春尚有花。笑挈姪人任僧
舍。不成孤客不成家。

安排遊計首頻搔。客裡光陰怕寂寥。晴日尋山雨尋
客。不放孤負一春宵。

續前絕句抄 卷五



成見年來久不存。麻鞋隨處踏芳塵。朱門蓬戶無分別。只要能容自在身。

謁岳王墓作十五絕句

靈旗風捲陳雲涼。萬里長城一夜霜。天意小朝廷已定。那容公作郭汾陽。

遠寄金環望九哥。一朝兵到又回戈。定知五國城中淚。更比朱仙鎮上多。

一箇西湖換兩宮。靖康小雅唱雍雍。憐他絕代英雄將。爭不遲生付孝宗。

軍令如山鳥不譁。黑風龍席盡呼爺。自然慈聖還宮

日若向官家問兵家

歲歲君臣拜詔書。南朝可謂有人魚。看燒石勒求和幣。司馬家兒是丈夫。

要盟結贊屢彎弓。翻錄和戎魏絳功。老佐迷樓人不醒。趙家天子可憐蟲。

小校桓桓道姓施。勇金門外有專祠。雄心似出將軍上。不斬金人斬太師。

要結中朝絳灌權。分將戰艦贈同官。韓三心喜張王惱。始信人間送禮難。

允升一疏奏楓宸。與汝何干竟殺身。擬把東廂添配

享黃金鑄箇布衣人

華衣凌霄落照遲。一朝孤憤萬年知。梨花寒食燒香

女。織牛都來折槍枝

不依古法但橫行。自有雲雷繞膝生。我論文章公論

戰。千秋一樣圖心兵

五十三人命已休。秦城王氣忽然收。教渠暫緩須臾

死。那數中原劉彥游

身後何曾有定論。金叱野史仗文孫。紫陽譚語瓊山

繼。燭火無光照覆盆

恰有孤疑問殿前。周徽入廟竟自顛。史駢敵怨分明

在。只恐當年事偶然

江山也要偉人扶。神化丹青即畫圖。頗有岳于双少

保。人間才覺重西湖

錢塘江懷古

江上錢王舊蹟多。我來重唱百年歌。勸王妙選三千

弩。不射江潮射汴河

琵琶亭

孤亭月落九江秋。彈過琵琶水尚愁。今日蘆花笑詞

客。不曾老大已飄流

再題第二泉

不似中冷遠莫求。不在廬瀑占高頭。出山不遠齊人便。最好人間第二流。

渡錢塘江

卅年前渡此江風。白髮重來似夢中。就使江神最強記。也難認得此衰翁。

湖上禱詩

浮家浮宅幾回遷。先寓德生菴。再遷陳莊。遷德西湖到榻前。從此攔干憑不了。兩餘風定月明天。月明如水浸沙隄。隄上游行一杖携。惹得家僮沒尋處。夜深孤坐斷橋西。

桃花吹落杳難尋。人爲來遲惜不禁。我道此來遲更好。想花心比見花深。

范公祠裏藕花居。四十年前我讀書。今日再來人不識。自家一步一躊躇。

誰家愛唱三玲瓏。笛自西飄曲自東。一夜蕩搖聲不定。知他船在水當中。

飛飛小艇慣穿雲。傍晚招人到夕曛。底事游蜂頓繞檠。兒家衣是藕花薰。

煙霞石屋兩平章。渡水穿花趁夕陽。萬片綠雲春一點。布裙紅出採茶娘。

坐看陶莊瀑布飛。珠璣吹滿芰荷衣。痴心欲向山僧說。水不流還我不歸。

遠望雲鬟意態佳。近前凝視眼頻開。豈知即是我家婦。一笑各詢何處來。

葛嶺花開二月天。遊人來往說神仙。老夫心與遊人異。不羨神仙羨少年。

花神十二最清華。齊著雲裙踏雁沙。擬向江淹分彩筆。一章詩贈一枝花。

冷泉亭上草如茵。鎮日看泉泉滿身。天竺過門偏不入。觀音應不惱詩人。

鳳嶺高登演武臺。排衙石上大風來。錢王英武康王弱。一樣江山兩樣才。

六陵何處認冬青。望帝魂歸淚欲零。偏有子規不解事。聲聲啼與岳王聽。

山無佛像山方古。水有魚船水不幽。我愛九溪十八澗。把人引去又勾留。

金泥光閃梵王宮。簫鼓沿隄鬪晚風。從古繁華春世界。朝陽不及夕陽紅。

隻雞斗酒淚潛潛。師友墳前薦一餐。只有杜鵬心似我。滿山紅與故人看。

桑文留儂住小車。春蠶食葉響沙沙。一甌水白茶如雪。足抵人間七品家。金史七品官。才詩飲茶。

遍山南與水南。就中何處最心貪。為他幽絕旋難盡。兩度呼車別理菴。

丁丁鑿石嶺雲開。臭鳥咸知萬歲來。世界昇平山水福。五年一度換樓臺。

春宵知是可憐宵。柳下呼舟月下搖。消受水晶宮世界。四更猶有滿湖簫。

莫愁湖

澹澹春山小小舟。一湖水氣濕粧樓。六朝南北風流

甚。天子無愁妓莫愁。

登山

焚香掃地待詩成。一笑登山倚杖行。變替青天管間事。今朝幾朵白雲生。

步山下作

暑退風清步竹林。荷花枝上結層陰。憐他吹散閒雲影。曾抱為霖一片心。

溫溪一名惡溪

人嫌溪惡客難過。我道溪忙且讓他。萬疊雲峯千尺瀑。江南無此好烟波。

赴浴湯泉見路上翁仲感而有作

千尋華表石崔巍。來往行水弔落暉。六代如船搖擲去。尺留翁仲不能歸。

聞行

飛絮飛花有宿因。重尋春夢最銷魂。關心七十年前路。處處聞行認履痕。

再過莫愁湖有感

結綺臨春盡化塵。莫愁樓閣又重新。男兒欲為千秋計。不作英雄定美人。

浙東野廟甚多。賽會甚盛。戲題一絕

敬斜野廟徧岩阿。嘈雜神絃唱九歌。消受香烟管何事。人間木偶福偏多。

柳下惠墓

野魚青草一杯乾。牛觸荒碑石已殘。萬古滄桑都變盡。依然直道事人難。

遠眺

秋江遠眺碧雲空。一笑啞然對晚風。鷓鴣鳥覓真終日立。不曾肥過信天翁。

渙梁道上作六絕句

一過仙霞兩耳無人聲。都變鳥聲呼。客中只與雞談

好慚愧當年介葛盧

遠山聳翠近山低。流水前溪接後溪。每到此間閒立久。採茶人散夕陽西。

山腰逼仄小車停。竹作長籬樹作屏。遠望自家行李過。畫來都是好丹青。

荒村小店歇征鞍。上漏旁穿板壁單。回首洞房金鴨暖。夜眠却也一般安。

劉郎才思本縱橫。旋過名山氣倍清。得句榮于得科第。急奔車下報先生。

初笄蠻女髮鬋鬋。折得溪頭花亂簪。一幅布裘紅到

老。不知人世有江南

在舟中。回望天游一覽樓。已在天上

一樓高立萬峯巔。遠望迢迢在半天。昨日幸儂樓上住。不然還道住神仙。

金川門

金川門外水雲寒。道是燕兵渡此灘。狎客名儒同誤國。君王真个用人難。

楓橋有懷

枕上釵痕暈未消。水邊蘭棹送歸潮。雪花點盡楓橋路。中有情人憶昨宵。

春園絕句少

卷五

八

昨宵霜重錦衾寒。左臂隨郎枕未安。時與阿侯爭阿母。沒分身處教卿難。

冷泉亭遲荆南不至題石上而歸

飛鳥暮歸山色裏。懷人心斷水聲中。君如來取春泉飲。定有相思味不同。

孤山范公祠是少時肄業之所重過有作

舊遊真个似前生。水榭風廊到眼驚。滿樹黃鸝應識我。當年聽過讀書聲。

曾擒蟋蟀傍西墻。曾捉揚花過野塘。今日教儂理前事。不知何故沒心腸。

物換星移三十秋。輕塵短夢水西流。道人不是無尋處。山上萋々土一邱。

斜陽不改舊山門。堤柳依然對酒尊。只有西湖比前冷。照人頭髮作霜痕。

路上憶隨園桃花

柳漸芊綿水漸波。隨園此際好烟蘿。桃花千樹開如雪。讓與漁郎看得多。

七里瀧

七里瀧深草樹疎。青山匝水環紆。老翁白髮手雙漿。全着女兒喚賣魚。

杭州隴上作

七歲曾焚隴上香。六旬重到感秋霜。回頭笑問諸松樹。我昔來時汝怎長。

舟行十五里至魯岡。梅岑饋肴烝。遣人剪江而至。

樓上金燈月下烟。六宵情話已纏綿。挂帆又送先生餞。香徧春江浪一天。

荻港燈下聞笛

荻港燈殘夜色深。一枝風笛遠悵悵。分明九曲長江水。都作回波上客心。

如訴如啼水一涯。江風何處落梅花。此聲祇可衰翁聽。業已蕭蕭兩鬢華。

老去

老去無心戀歲華。嬉春天氣遠離家。鄱陽湖裏推篷坐。不看梨花看浪花。

過杭州貢院作

風簷官燭舊時旌。彈指人間四十秋。燒尾魚行三萬里。龍門重過尚低頭。

山行雜咏

十里崎嶇半里平。一峯才送一峯迎。青山似繭將人

隨園絕句 卷五
畏不信前頭有路行
風吹梅雨作輕寒
穿破油衣濕未乾
一霎車中小眠去
好山已過不曾看
春田瀟灑水平堤
田父缺針手自携
難得插來隨意好
不同春草有高低
晴山高聳兩山泥
起愛天晴遊愛陰
一種淡青濃綠處
王維能畫不能吟
前峯遠望勢岩堯
及到行來客忘勞
只為白雲吹不散
青天未覺比山高
海角山尖盡種禾
衝人處處小牛過
開元戶冊何須

看己慶昇平歲月多

桐江作

桐江春水綠如油
兩岸青山送客舟
明秀漸多奇險少
分明山色近杭州
蘭溪西下水萦回
分付船窓面面開
緊記心頭須早起
明朝無數好山來
七里瀧邊水竹虛
烟村約畧有人居
鷺鷥到此都清絕
不去街裏看釣魚
久別天台路已迷
眼前尚覺白雲低
詩人用筆求逋峭
何不看山到浙西

再題子陵廟

記得當初過富春。翩翩弱冠拜音塵。而今花甲還相訪。也算先生一故人。

幽幽江水半菰蘆。寂寂羊裘一釣徒。未必無心助文叔。巢由兩個誤狂奴。

牛牢高獲俱同隱。只有斯人事獨彰。惹得鄴侯還豔羨。也思一枕共君王。

過蘭溪時。或勸從彼處遊武夷。不過十日可到。余因天暑急歸。已而頗涼。心頗悔之。

蘭溪東去崇安郡。只隔仙霞一嶺雲。可惜炎風欺白

髮。不容親叩武夷君。

采石東去磯。上有賈似道錨聯壁二字。

千尋危石劃江開。賈相當年興太佳。家裏蘭亭八千匝。尚來此處作摩厓。

從平溝至三溪作

雞唱平溝客起遲。荒原漠漠草離離。竹輿行過三溪口。漸夕青山來引詩。

宿慈光寺。觀前明萬歷言中賜普門和尚袈裟

金鉢

古鉢金光耀紫烟。袈裟針脚尚新鮮。禪師披出難消

隨園絕句抄

卷五

廿

受十個如來坐滿眉

一路望天都蓮化二峯半為雲掩到院少頃始

露全峯

山如新婦羞相見故使雲為半面粧坐待片時才却

扇天公教我捉迷藏

坐蒲團石同望慈光寺在萬山之中如落金底

小座蒲團望碧霄眼空下界察秋毫如何低極慈光

寺昨日來時只覺高

望天都峯不果上

天都高絕與天隣欲上頻看七尺身底事望雲頻縮

足雲中不見下來人

捨身厓

千里烟水萬重厓絕似瑤池白玉臺多少貴人身忽

捨可能捨到此厓來

紫石峯

南朝三十六英雄散作黃山處處峯獨有此公顏色

異玉皇別與紫泥封

茶亭

茶亭幾度息勞薪慙愧塵寰著此身輸與路旁三丈

樹蔭他多少借涼人

家春圃設醮九華。僧有爭香火相歐者。戲題二

絕

禪門間看白雲飛。從不燒香惹是非。生怕佛靈能降福。受他恩重要歸依。

不求自己偏求佛。佛手拈花笑不清。道我至今心抱歎。未曾一粒施臺城。

謁余忠宜公墓。登大觀亭

一旅曾揮落日戈。大觀亭畔冢差我。忠臣也要江山助。岳墓西湖酒奠多。

伏羲洞

絕壁森森古洞開。羲皇曾此坐蒼苔。想因細看橫排石。悟出先天一畫來。

鬪眉峯

青山有意鬪眉痕。巧作彎環月樣新。急取筆來描粉本。遠家重作畫眉人。

換骨巖

每對黃庭眼倦看。有誰能得大還丹。吟詩骨與神仙骨。一樣天生換總難。

老行

老行萬里全憑膽。吟向千峯屢掉頭。總覺名山似名

士不蒙一見不甘休

遊東村寺不果

東村未到小車回。非戀紅塵忘講堂。知道遠公今寂寞。無人送過虎溪來。

煙景

天然煙景足清幽。底事齊梁鬧不休。文士鑄碑僧鑿佛。萬山無語一齊愁。

清明

卅年丘壑慰平生。垂老誰知福更清。萬朵芙蓉千尺瀑。匡廬山頂過清明。

寓西湖漱石居戲作

十幅蒲帆兩筴鞋。要從湖上走天台。譬如千里尋師去。先訪家鄉舊雨來。

海寧陳氏安瀾園席上作

百畝池塘十畝花。擎天老樹綠槎枒。調羹梅也如松古。想見三朝宰相家。

鳥歌花笑有餘歡。新得君王駐蹕看。分自窻前萬竿竹。年年替汝報平安。

福地鄉媛全亦佳。留賓兩度午筵開。逢逢海上潮聲起。還道催花羯鼓來。

將近高壩望烟村中有瓦屋數間欣然慕之
有溪有竹有桑麻隱隱烟村澹澹花瓦屋幾間田幾
畝幾生修到那人家

司馬悔橋相傳司馬承貞被
名至此而悔故名

到此方才悔念生我來橋上笑先生山人一自山居
後夢裡為官醒尚驚

將至天台溪急嶺高勢難遽上

身坐堯籠上竹牌輿夫十步九徘徊山靈似怕詩人
到澗水橫衝萬馬來
一陂一磴一溪烟水自攔人人自前挽上陂陁三百

大天台原本在青天

相傳前代弟兄同爭此樹一旦雷劈兩開枝幹
愈盛蓋古杉也

兄弟爭荆意未平一雷分作兩家青至今根脚燒痕
在飛過枝頭少鶴鴛

履中上人年七十餘自言金陵人談子作冷事
甚悉衆僧膜手環聽

居官四十年前事豈料荒山老衲談倘有些些談不
得教儂此際若為堪

從花頂左折而下至上方廣兩行十五里為雲

續通志 河沙 卷五 共

所避一無所見

濃雲片片雨漫漫。一路聞灘不見灘。十萬烟鬟齊掩面。不容騷客盡情看。目向雲中笑口開。莫將缺陷惱天台。世間儘有青盲客。已見還如不見來。

僧引石梁水為池。淪湯勸浴

欲洗人間十丈塵。老僧賜我一池春。分明認得藍橋水。浴罷桃花尚滿身。

次日再往觀瀑

名山從古如名士。名不虛傳是石梁。我最曠觀偏有

戀。為他三日宿空桑

平生不說維摩法。此處為僧恰不辭。解得淵明參悟語。分明此水是吾師。

題會仙石四首

果然仙迹世途遙。石作樓梯樹作橋。想見翠屏遮隔處。風鬟霧鬢有人招。

古蹟荒唐怕討論。事關兒女易銷魂。會仙石上千年草。仔細摩挲認坐痕。

才聽双鬟合巹歌。又招渙父泛烟波。桃花慣作迷人事。引入仙家總是他。

作壻山中僅半年。人間滄海變桑田。教儂不敢多時
立。生恐歸來也惘然。

惆悵溪六首

一角清溪兩岸春。溪聲以外即紅塵。送郎到此怕歸
去。重見桃花不見人。

入天作別淚滂沱。山自青青水自波。作到神仙尚惆
悵。神仙以下更如何。

仙郎回首合歡床。應悔匆匆遽束裝。滿目山河人世
換。輸他衣錦客還鄉。

風吹石洞幾回開。玉几金牀長綠苔。如此人間殊不

思。双双何不渡溪來。

老住山中萬事休。歸期少算一千秋。幸虧不遇神仙
好。倘遇神仙我欲愁。

一動凡心二文知。故鄉未免夢依依。勸君想作仙家
壻。先要思量歸不歸。

山行

山行不覺笑啞啞。愛好真無貴賤差。試看輿夫身喘
汗。滿頭猶插杜鵑花。

出天台城十餘里。齊公子琴。典史許廣文。海澄
梅谷兩僧。溪邊送別。余為黯然。

名山業已心難別。况復諸公送不休。七十年華千里路。勸儂還要再來旌。

琴高仙尉真君許。子弟通家記姓齊。更有苦吟僧兩個。袈裟拖雨立橋西。

桃花流水響潺潺。送我登山又出山。一樣千秋劉阮恨。此身依舊落人間。

驩歌何苦唱千回。從古浮萍聚即開。只有青蓮天姥夢。吟魂夜夜會飛來。

宿虹橋倪姓家。其西席張孝廉請見。色甚倨。見余意不屬。乃夸其先人元彪公最知名。曾與袁

子才商室意。兩先生交好。余問君曾見袁某乎。曰。袁在年將大耋。安可見耶。余告以某在斯。乃愕然下拜。

相見爭夸大父行。公然當面喚韓康。姓名借與人間用。惹得狂夫老更狂。

一寺在萬山凹處。晚間獨步。四面青山繞作城。簷前雨滴殿中晴。細看不識來時路。轉問僧從何處迎。

每見絕壁之上。有長方石門。如數十間屋舍。鳥或能飛。人不能至。

隨園詩話

卷五

十一

神仙不是閉門居。構舍分明敞太虛。只恨張章飛不上。鄉爨無處覓奇書。

剪刀峯

遠望双峯截紫霓。尖叉稜角有高低。倘非山裏藏刀尺。那得秋雲片片齊。

玉女峯

風中梳鬢霧中藏。雨是濃粧月淡粧。莫道玉人長不老。秋來也有鬢邊霜。

聽詩叟

底事聽詩聽不清。此翁耳學欠分明。擬携謝朓驚人

句。來向青天誦數聲。

卓筆峯

孤峯卓立久離塵。四面風雲自有神。絕地通天一技筆。請看依傍是何人。

幅幅雲藍滿。太虛于今不是結繩初。如何大好揮毫處。天上神仙不著書。

館頭呼蘿葛船。渡江至永嘉。河景狹穿過。數十人家屋下。乃至郡城。

十里人家盡跨河。疎花密石傍籬多。柴門頗有朱門意。要客低頭屋下過。

隨園絕句抄卷五終

隨園絕句抄卷六

紀遊類二

溫泉

華清宮外水如湯。洗過行人流出牆。一樣温存款寒士。不知世上有炎涼。

景陽井

華林秋老草茫茫。誰指遺宮認景陽。當日君王縱消渴。井中何處泛鴛鴦。

虎邱同錢景凱泛酒船

隨園絕句抄

卷六

五年不到闔閭城。簫鼓新添水面聲。為待虎邱山月
上。四更猶放酒船行。

榜人中有踏搖娘。曾侍吾家臨汝郎。一種聲清銀字

管。可憐吹散桂枝香。謂春圃與桂娘

霜燈悄悄。夜歸遲。折得芙蓉有所思。同是人間一池
水。橫塘復古泛西施。

出江南界

村烟搖碧水。挹藍馬。上離々夢正酣。忽見戍樓題字
處。始驚身已出江南。

莊平題壁

午燭曉燈射。滌紅杏花村。小漏丁東。春寒滿店數聲
兩。明日亂山何處風。

步山下偶作

把卷間行水竹居。孤花紅刺晚春餘。輕風剛值吟
處。替我吹翻一頁書。

為觀五侍講身後。園亭驚為酒肆。重遊有感。

奉誠園裏石闌干。手未憑時淚已彈。我是華堂舊賓
客。殘花今與路人看。

同圍爐火坐西廳。記得靈光有典型。今日人亡風調
在。春山留與酒樓青。

滄桑未滿十年中。門巷淒涼迥不同。一樹桃花魚鰓
甚。主人何在尚鮮紅。

題柳毅祠

風鬢雨帶藕絲裙。素手傳箋寄暮雲。世上女兒多誤
嫁。諸龍休惱洞庭君。

重登永慶寺塔

九級浮圖到頂寒。十年前此倚闌干。過來事怕從頭
想。高處人休住下看。

姑蘇紀事

不負平生有此身。姑蘇二月作遊人。燈篷綵勝迎臺

處。代插梅花掃路塵。

許市嚴關徹夜開。雲階月地總樓臺。碧波兩岸清如
鏡。照見紅粧梅樣來。

一朵仙雲耀眼前。相思無路水如烟。桃花門巷渾忘
記。雀護當時更惘然。

隊々笙歌對落暉。紅裙不放酒人歸。消魂此日山塘
路。七隻仙舟妓打圍。

但逢勝景便勾留。錦帳香燈汗漫遊。何處有花何處
宿。果然蝴蝶勝莊周。

寒山空谷兩平章。穿出花樓上竹房。知是六龍才過

續前

續前

處雲水瑟回言商。

平生嘗遍五侯籍。崔浩常思著食經。此日書空作唐

字金鹽王鼓總仙靈。唐厨精絕

良友知儂怕寂寥。青樓苦勸伴嬌嬈。誰知小王奄々

病。蠟橫陳是此宵。

双々公子駐征驂。引入娉嬛酒其酣。一夜羅幃傾海

水。看番春色領江南。

袖得西湖嶺山雲。歸來重鬪水犀軍。弟兄真是皇華

使。到處摳衣見小君。調樹齋雨林

奴女津邊一雁飛。羽林郎別淚沾衣。惹他烏鵲橋頭

笑。不信仙家有是非。

日暉橋下小銀河。匹馬黃昏獨自過。夢醒忽驚衫袖

濕。阿侯分與乳痕多。

手種橫塘柳一枝。當年換馬別袁絲。今朝相見添惆

悵。合浦珠還有所思。

金娘顏色照銀泥。一白能教衆卉低。七日春風等閒

度。浙雲含雨又東西。

屢夢游仙記不清。吾家大捨有風情。直須喚作宜春

氏。同土高樓看月生。

二十年前髻未華。曾披官錦住唐家。而今賓主頭俱

白愁對紅梨日暮花。

賦別忽々唱惱公。雲華重作主人翁。自憐隻履西歸客。尚有瑤池席未終。

青山莊 張叔度方伯園名。家已藉沒。

笙歌聲斷水雲寒。草草亡家眼目難。我與主人曾有約。不忍上樓看。

秦淮襟詩

春愁原屬杜司勳。况復繁華領白門。六代雲山一河水。爭禁人到不消魂。

金縷飄殘玉樹終。流珠人去米雲空。只留幾點渙陽

鼓打出燈船。百々紅。

放衙時節蔣山青。看捲紅旗出訟庭。傳語前驕莫呵殿。沿河方愛管絃聽。

魚綠打漿送春潮。有意寧惟認板橋。深夜風停街柝靜。隔牆還有一枝簫。

揚枝婀娜竹枝柔。百轉流鶯唱未休。高寫零丁招客賞。清商幾部屬蘓州。

春風無力酒旗低。十幅湘簾一剪齊。遮莫游魚吹雪上。琵琶聲急水亭西。

家々脂粉墜殘紅。無數眉痕學遠峯。水為情多流不

去秋來處々長夫容

丁福王元態各清康。即風調更橫生。使君便是羣芳

譜。能與凡花瓣小名。

鷹師霍々意氣虜。諸王啞々白頸烏。前船丹珠歌小

海。後船青谿載小姑。

籠袖騎民隊々過。茶坊到處喚厮波。貪花風雨偏來

往。半是齋娘半浪婆。

幾番邀笛坐胡床。消受青奴一味涼。擬奏尊官乞恩

假。河陽潘令種花忙。

都知錄事局全差。且向東京記夢華。一語殷勤勸揚

柳惜春人去莫飛花。

漂母祠

千金一飯尋常事。不肯模糊是此心。我受人恩曾報

否。荒祠一過一沾襟。

文別

身非鳧雁水為家。日日輕蓬傍淺沙。蘆荻也知官吏

到。隨風吹送滿船花。

水國灘荒頃刻生。暫時弓矢口分明。長官作奏須珍

重。賦入司農鐵鑄成。

舟中畏風

陸園紀事抄 卷六 六
鎮日舟中眼倦開。雪花脉々上輕窗。東窗開後西窗
啟。猶喜風無兩面來。

沙溝

沙溝日影漸朦朧。隱々黃河出樹中。剛捲車簾還放
下。太陽力薄不勝風。

山泥

山泥淋漉陷征車。撲面驚車恨有餘。此際故園三月
半。萬花圍住一樓書。

刈田滁川過浦口題壁

花種河陽幾度秋。十年春夢付江流。看輿重過路人

起。尚有遺民認故侯。

郵亭艸々一宵眠。為種滁川數畝田。儘酌貪泉還獨
笑。買山不用此邦錢。

舟中又病誓不服藥

常笑玉微太認真。朝々昌朮不離身。我今學得朱雲
樣。不作呼醫飲藥人。

邯鄲驛

暮雨蕭々旅店來。自省孤枕笑顏開。黃梁未熟天還
早。此夢何妨再一向。

入陝感李濤故事

續國朝詩抄 卷六 六

隨園詩話 卷六
殺氣殷天戰血紅。營門高唱有英雄。請誅太尉人來矣。吾戴吾頭送與公。

馬嵬

倚杖營門淚數行。君臣此際太倉皇。興元一詔三軍泣。何必傷心向佛堂。

莫唱當年長恨歌。人間亦自有銀河。石壕村裏夫妻別。淚比長生殿上多。

父老原知有此行。上方雜進露葵羹。宮中苦賜金牌子。猶恐豬龍養不成。

家々逐水唱黃裙。金屑挑丹信屢聞。史言貴妃縊死。惟劉禹錫詩。稱

服金屑。一搯邯鄲同走馬。慎夫人遇漢文君。

再題馬嵬驛

萬歲傳呼蜀道東。鬻拳兵諫太匆匆。將軍手把黃金鉞。不管三軍管六宮。

到底君王負舊盟。江山情重美人輕。玉環領畧夫妻味。從此人間不再生。

香囊消釋玉魚涼。萬里園陵白露荒。聽說西官恩幸少。梅花猶得落昭陽。

不須鈴曲怨秋聲。何必仙山海上行。只要姚崇還作相。君王妃子共長生。

庚戌春暮寓西湖孫氏寶石山莊臨行賦詩紀事。

再見西湖笑口開。惹他魚鳥盡驚猜。分明白髮滿頭叟。說不來時今又來。

借得孫莊勝畫圖。行裝飛送入冰壺。主人贈我千金值。三百雲山一百湖。

鼠姑階下剝殘紅。揚柳當樓颺碧空。一色琉璃鋪十里。開門便作釣魚翁。

從遊兩個女雲仙。雲鳳得信呼車拜榻前。多謝朝々送清供。湘蓴帶露箇含煙。

一盂麥飯手親攜。走奠先塋淚滿衣。生怕歐公遷穎土。瀧岡阡畔紙錢稀。

入城要訪旧知交。床上入危塞上遙。瑛沙前輩危病臥床成山同年

兒時旧屋板橋西。再訪前踪夢已迷。剝有窓前丹桂樹。見儂嬉笑見儂啼。

桃莊靈隱買舟採。老去心愁再到難。業已回身還轉步。一回分作兩回看。

虛名何苦累衰絲。酬應如麻力不支。細屋臭箋堆案絹。差徭繁重是題詩。

翻將地上作嘉賓。當事紛紛置酒頻。謂歸清兩觀察唐曹兩明府
更聽城門深夜報。將軍傳箭放詩人。將軍保公見訪湖上分付司城
余到即開。

紅妝也受魯靈光。問字爭來寶石莊。壓倒三千桃李樹。女公子張象尋徐裕馨汪坤等十三人以詩受業大會於湖樓
形々暑到想歸家。再說重遊話恐差。且唱驅歌莫回首。一年春管一番花。

初抵漂水縣署

津吏傳呼歎碧輪。簿書裁見一番新。初官直似為新婦。滿眼何嘗有故人。

舟中書懷

烟江遠望欲迷津。鎮日推窗看好春。笑問往來能有幾。順風時節泊船人。

丹陽道上留別双郎

姑蘓春水一帆斜。惆悵丹陽兩岸沙。爭奈行船換鞍馬。淡煙疎雨別梅花。
蝶枕鴛衾夢不成。燈花如雪夜分明。兩行泪落吳江水。應有芙蓉處處生。
十三名字冠揚州。腰帶猶存瑪瑙鉤。記否空江蓬背冷。新年聽雨木蘭舟。

當道怕唱六公終。頃刻回頭夢已空。寄語篙工緩搖
漿。千金難買石尤風。

贏得芳名喚滿窗。枝頭乳燕話双双。情知送我終須
別。留下香囊伴過江。

珍重梨園檀板餘。幾時重訪范莊居。三秋憶著休貪
嬾。總教笙歌便寄書。

端州紀事詩

一詩迎我一詩催。驛使奴星日幾回。望見端州城半
角。傾城冠蓋似雲來。

忙解征衣揖客遲。皇華廳上語移時。衰翁未意將軍

解。一騎紅塵取荔枝。感副戎官公也

子姓相扶上畫堂。舉家歡喜道勝常。不知此叟三年
別。鬢上新添幾寸霜。

嫫媿文葆兩麒麟。啼笑啞々滿堂春。甘蔗旁生如有
意。趁儂來作抱孫人。嘲阿順

高桂流蘓錦樹東。春深入卧鳥聲中。所住曉香堂。多野鷺鷥。終夜啁

阿連雅得曹參意。讓出華堂住蓋公。

文武紛紛宴老饕。家々親手動鸞刀。為來護世城中
客。欲試羹湯若个高。

淋浪終夕雨聲酣。一月晴無日二三。可是佛圖澄姓

濕。曾來此處築茅庵。

恰喜文星聚一時。彭揚各各樹旗旗。藹堂蘭坡足酬大史

東來意。不抹珍珠只採詩。

賓朋棋子響西齋。奴子端阮手自揩。畧見主人停畫

筆。又呼書吏寫齊諧。

俚子登場舞技河。蠻方別自有笙歌。只因南海波濤

近。半是臭龍角抵多。

可笑珠娘負盛名。我來孤負看花情。青唇吹火紫蓬

立。難近都如鬼手馨。

城門一過三千萬。南史曾將粵嶺夸。今日貪泉宛然

在。不知淚滴落誰家。

南荒一尉古稱雄。豪宕如今有素風。玉鼓金鹽千日

酒。教人能不羨周公。周尉斗齋飲餼精絕

空月臺邊鳩杖扶。參天榕覆藕花湖。七星巖對先生

坐。彼此垂青一語無。

勝遊尚欠鼎湖行。為有春江浪未平。寄語王喬仙令

尹。青山魚我亦虛生。門坡約遊鼎湖未果

光孝寺僧以菩提紗見餉

菩提樹葉傳名久。輕似秋雲薄似紗。想見此間諸佛

笑。只拈迦葉不拈花。

隨園絕句抄

路上憶園中梅花

今年春色貴相思。永別梅花看女兒。一路月明風定處。輸他寒雀占高枝。
曲檻踈籬小苑東。花應深惜主人翁。萬重香雪連雲起。爭不開窗坐上風。

題朱礪東湖山草堂

花滿庭前竹滿崖。此中合住謫仙才。一湖浪白風初起。七十二峯吹欲來。
安放龍威一卷經。天然圖畫付丹青。勸君吟句須珍重。防有真龍聽外聽。

今春我作洞庭遊。小住恩々返客舟。可惜幽人居未訪。空餘清夢繞汀洲。

臨行

臨行偏唱惱儂歌。惹得檀郎臉亦波。為費黃金還費淚。喫虛無奈是情何。

中秋宮保招飲會。枚渡江未赴。次日歸踐前約。即席賦呈。

中秋曾約赴華筵。江上人行細雨天。深感西園一杯酒。花間等到月重圓。

詔書誥罷淚繽紛。從古知臣莫若君。誰是升堂高第

子千秋身已托青雲。詔本朝科目。惟尹繼善鄂爾泰兩人。

公子將歸詞客老。大家珍重語清宵。西牕離緒西園

柳一樣風前萬々條。時璞齋將赴京師。

夜深手扎出深閨。勸我新歸應早回。笑殺公門嬾桃

李。五更結子要風催。故與公子夜坐。公從後堂札示云。江上新歸須還家補慶。母使

姬入懊惱。

到西湖住七日。即渡江遊四明山。赴克太守之

招。

湖樓再住與闌珊。兒自完婚我看山。一渡曹娥江水

上。烏篷船仄鳥綿蠻。

路過慈溪水竹村。祠堂一拜最銷魂。五代祖察院。提

入翰林。香亭成進士。匾額俱存。八十年來從未一到。不圖劉阮歸來早。已見人

間七世孫。

久聞天乙閣藏書。英石芸香碎蠹臭。今日攢存珠已

去。我來翻擷但欲戲。厨內所存宋板秘抄俱已散失。書中夾芸草。厨下放英石云。收

陰濕物地。

我亭尺牘善收藏。三百年人聚一堂。鄞縣范莪亭。孝廉。藏前明尺牘

千餘家。米到袁絲真有手。塗鴉也廁兩三行。

宣別道上遇孫敦夫太守作

己未正月。余寓孫牧堂翰林家。公子敦夫才

七歲別四十餘年。孫守宜別。而余遊黃海。突逢道中。奉贈二首。

五馬旌旗狹路逢。下車人忽問衰翁。為言四十四年別。可認當時七歲童。

居停那敢忘君家。春雨盈々燭影斜。還借君家池上水。照濃初次插宮花。

余續夷堅志未成。到杭別得逸事百餘條。賦詩志喜。

老去全無記事珠。戲將小說志虞初。徐鉉懸賞東坡索。載得杭別鬼一車。

身在

身在雲中身不覺。看雲還上最高峯。誰知身已穿雲過。脚下雲鋪萬々重。

邗江留別

兩度邗江訪若邪。香聰嘶遍路三叉。兒家住處儂能記。門外碧桃一樹花。

解唱清歌昔々鹽。珠衫斜挂當湘簾。人間夜是青樓短。玉漏應教海水添。

留賦名傳午子香。主人名丹心寸意託繁霜。誰知珍髻娘娃好。索賴空交李十郎。李生負約。主人薙髮寄之。

仄々風櫺小小樓。半安詩稿半梳頭。一聲江上紅船
擄。兩角眉峯萬點秋。

題李後主百尺樓

黃花水小雨。濕々南國樓臺夕照間。如此長江被量
去。當年還唱念家山。

檀槽金屑小琵琶。姊妹承恩似趙家。聽到流珠歌。旧
曲。一時腸斷六宮花。

保儀不愧女相如。半掌牙籤萬々餘。爭奈焚如學蕭
繹。國亡遷怒到圖書。

艸々南朝一夢過。濕々春雨奈愁何。官家賴有重瞳

子。洗面終朝眼淚多。

藥号牽挽出禁宮。此人又似不相容。檀來歌罷江山
穩。只合全家哭世宗。

六道戈船出上游。香孩兒太不風流。關心卧榻軒聲
地。轉忘燕雲十六洲。

金字心經手自焚。命燈竿斷九霄雲。無情最是西天
佛。送過蕭涼又送君。

千年故國水雲涼。樂府歌殘曲數行。父老嘗齊妃薦
福。何如文士弔斜陽。

從綿津至贛州儲潭得絕句五首。

路。上綿津不問津。儲潭小住拜灘神。廟塑十像八神像。一
路春山好。梳就烟鬟若待人。

琉璃四面水雲鋪。屈曲風帆路欲無。畧綴亭臺三兩
座。人間何處說西湖。

樟樹迷離密不分。幾聲雞犬樹中聞。濛々一縷茅簷
白。知是炊烟是晚雲。

渙翁底事不歸家。細雨濛々立淺沙。生怕魚驚竿不
動。蓑衣吹滿碧桃花。

莫惱磯多行路難。但教目悅即心安。荊關已過倪黃
到。日日天公送畫看。

到峽江寺香亭以詩見迎次韵答之

峽江寺裏落花天。花下吹來詩一箋。剛是山僧說山
事。萬陽兄弟兩神仙。

白門江上片帆開。笑別妻孥首不回。伯也年衰狂更
甚。一頃吹過萬山來。

南熏亭

翠竹清沙水數灣。亭臺參錯白雲間。不圖桂嶺叢蠶
處。也有江南平遠山。

相傳虞帝駐江臯。一曲南風手自操。今日蒼梧烟月
冷。松聲猶自學簫韶。

重登撫署。入桂堂。有懷薦主德山公。
遺民難訪地行仙。幕府蓮花盡化烟。只有庭前丹桂
樹。見公夸許見公憐。

興安

江到興安水最清。青山簇簇水中生。分明看見青山
頂。船到青山頂上行。

將到湘山寺。江上有垂柳一枝。入粵以來所未
見也。

一枝垂柳挂江青。霜後依々尚有情。可見江南人憶
我。六千里外教君迎。

兵書峽有序

丙辰。余過東安。舟人指絕壁曰。此武侯藏兵
書處也。諦視之。見木匣正方。圍四尺許。度山
腰間。今五十年矣。舟過再觀。宛然無損。雖俗
傳譎語。可嗤。然頗聞閩蜀間。往往高崖上有
仙床浮舟。造物奇詭。不可測也。

誰把金箱置碧虛。相傳諸葛有兵書。擬呼羊侃橫行
上。取獻熙朝補石渠。

瀟湘

烟波南望楚雲長。蘭漿輕搖十月霜。折取一枝斑竹

去教人知道過瀟湘

日日

日之奇峯迎面過。不能圖畫。只能歌。老夫可奈看山後。愈覺胸中磊砢多。

再題賈太傅祠

一別先生五十年。洛陽年少也華顛。自憐枉受吳公薦。白首重來意惘然。
儘把封章奏玉階。一時絳灌口難開。經生漢代知多少。屈指誰爲王佐才。
多情容易損年華。一哭梁王壽竟差。若把湘蘭比君

子。春風只發二分花。

事定方知石畫高。徒薪端不動弓刀。如何七國連兵日。不祀長沙一少牢。

一篇鵬賦斷聲聞。看破浮生水上雲。只恐魂歸還痛哭。千秋幾個漢文君。

新正十一日還山


自覺山人膽足夸。行年七十走天涯。公然一萬三千里。聽水聽風笑到家。

迎門兒女慶團圓。隣里爭當遠客看。不是桃原真福地。如何雞犬盡平安。

龍圖色切抄

卷六

七



香雪階前撲面飛。喜從香裏解征衣。老妻指向諸姬
笑。不為梅花尚不歸。

一雙孔雀艷歸裝。惹得傾城士女狂。為要誘他開翠
尾。麗人來住盡濃粧。

賓客連宵坐滿庭。問山問梅問花名。急抄書與諸公
讀。省得衰翁說不清。

重理殘書喜不支。一言擬告世人知。莫嫌海角天涯
遠。但肯搖鞭有到時。

夢遊淡巖石上鏤此四句。
一回開闢一乾坤。物換星移日日新。盤古如麻朝玉

帝不知誰是領班人。

誰家

誰家低唱玉瓏玲。流管清絲夜不停。一曲歌終人一
世。那堪頭白客中聽。

隨園絕句抄卷六終

隨園絕句抄

七

